



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Sacerdotale Ad consuetudinem S. Romanæ Ecclesiæ
aliarumque ecclesiarum ex Apostolic[a]e bibliothec[a]e ac
Sanctorum Patrum iurium sanctionibus, &
ecclesiasticorum doctorum scriptis ...**

Venetiis, 1579

Materia sacrame[n]ti ext. vnctionis. c. 2.

urn:nbn:de:hbz:466:1-40307

et speciali privilegio ad divina admittatur, non possunt in quatuor diebus privilegiatis communicare: nec etiam clerici interdicti possunt communicare: si autem non sunt interdicti, possunt. **I**tem panis, et fructus olivae, et huiusmodi possunt secrete benedicere, et dari clericis, et laicis: in festis vero privilegiatis possunt publice benedicere, et dari. **I**tem benedictio sponsorum potest fieri in die aliquo privilegiatorum in alijs autem non. **I**tem non potest fieri aliquod officium mulieribus post partum, nisi in diebus privilegiatis. **I**tem fieri potest benedictio mensis presentibus secularibus: cum non sit de bonis canonicis, nec competat ratione alicuius ordinis: potest enim laicus hoc facere.

Finit quartus tractatus libri Sacerdotalis de Sacramento Eucharistiae.

Incipit quintus tractatus primae partis libri Sacerdotalis, De sacramento extreme unctionis, et annexis, et consequentibus. De materia, forma, ministro, effectu sacramenti extreme unctionis, et quibus corporis partibus dari debeat, et an debeat iterari. Cap. 1.



Extrême unctionis sacramentus debet dari laborantibus in extremis. Et istud sacramentum inducit mundationem a peccatis. Circa quod plura advertenda sunt, videlicet, **Materia, Minister, Forma, Effectus, Quibus dari debeat, Quibus corporis partibus, Et an possit reiterari.**

Materia sacramenti extreme unctionis, quae sit. Cap. 2.

Materia huius sacri est oleum oliuarum, et non aliud oleum, ab episcopo prius sanctificatum, et benedictum: Quod sacramentum Christus instituit quasi apostolos ad predicandum missos docuit oleo ungeri infirmos. **Marc. 6.** Et beatus Jacobus in canonica sua. **c. dicit:** Infirmatur quis in vobis, inducat presbyteros ecclesiae: et orent super eum, ungentes eum oleo sancto: **Et**

De sacramento extreme unctionis

Et tale oleum vocatur Oleum infirmorum, non cathecumenorum. Unde diligenter aduertat sacerdos, ne vnum pro alio ministret: de Sacra vinct. c. Vnctio. Et si errore hoc fecerit, debet caute suppleri per sacerdotem. de Sacramentis iterandis vel non. cap. 1. in fine.

Forma huius sacramenti, que sit. Cap. 3.

Forma huius sacramenti sunt verba, que profert sacerdos quando inungit infirmum. s. Per istam unctionem et suam piissimam misericordiam indulgeat tibi Deus quicquid deliquisti per visum, per auditum etc. Et licet varie sint forme huius sacramenti, tamen melius est vti forma S. Roma. Ecclesie, que est mater et magistra aliarum ecclesiarum. **Ex concilio Florentino.** Forma sacramenti extreme unctionis hec est. Per istam unctionem et suam piissimam misericordiam indulgeat tibi deus quicquid deliquisti per visum, **similiter in alijs membris**

Minister huius sacramenti quis sit. Cap. 4.

Minister huius sacramenti est solus Sacerdos, et non alius. Quod patet in predicta auctoritate sancti Jacobi. cap. 5. vbi ait. Inducat presbyteros etc. 2. dist. 5. Sed queritur, et cap. sequen. Nec est de necessitate, quod sint plures sacerdotes presentes. sed vnus solus cum clerico potest sacramentum conferre. De verbo. signifi. ca. que sunt. Si tamen sint plures sacerdotes melius est. Et ille qui inungit, debet dicere verba, et ceteri respondere, et assistere, et pro infirmo orare.

De effectibus huius sacramenti. Cap. 5.

Effectus huius sacramenti est multiplex. **Primus** est consolidatio spiritualis debilitatis per peccatum inducte. Dicit enim S. Tho. q. talis vinctio dicitur que datur spirituali sanatio, quia datur contra quandam inhabilitatem, vel ineptitudines, que in nobis remanserunt ex peccato actuali, vel originali: vel venialium peccatorum remissio. **Secundus** effectus est sanitas corporalis, si diuina sapientia id noverit infirmo vtiliter expedire. **Tertius** est: quia per istud sacm remittuntur peccata venialia et mortalia, que ignorat: vt in eadem auctoritate beati Jacobi. Et si in peccatis fuerit dimittentur ei. Jacob. 5. c. **Quartus** est diminutio pene peccati mortali debite. **Quintus** est gratie augmentum, que in hoc sacro confertur et augetur.